

晉齋詩存

二冊之一



数据加载失败，请稍后重试！

咸豐甲寅閏秋



日新直心詩葛

會稽勞漢敬題





数据加载失败，请稍后重试！

序

余同年昇勤直公。以奉

使歿於粵。

天子軫悼。

予諡飾終。其詰嗣夢蓮昆仲。旣屬余志其墓。越一歲。

又以公詩集請序於余。余與公在同譜中。

交最摯。同事會典之役。又最久。公之詩所習。

見者。公之論詩所習聞者。卽不屬余序。余猶

且序贈之奚辭焉 公自少勤學卽用力於詩
教厥後所遇日殊所任日重所閱歷日多而吟
咏終不廢輟蓋性情有獨嗜者矣且性情本純
篤學養尤深粹其於詩也不矜奇不事雕繢不
尙風氣以巧合人意故立派獨正不斷斷於爲
唐爲宋不規規於爲陶爲韋爲溫李元白故立
言獨真灑然而來如風之入林詘然而落如土
之委地不彊不支不刺刺局局故立體獨醇且

潔鳴呼余之知公詩也如是已矣公之於論詩也亦如是已矣至公之勤勞政事直節著

天下易名

盛典已盡其美自餘學品行誼余於墓志中詳述之夢蓮昆仲并輯有年譜一帙足以供史乘之採擇垂奕禩之休光不復贅及序既竟謂夢蓮曰余昔見子詩亦清拔絕俗異日名德濟美外又將爲詩世家矣子盍勉之

音義詩存
道
道光十六年歲次丙申

賜進士出身

誥授光祿大夫前總督淮揚等處漕運海防事務年

愚弟朱爲弼拜撰

晉齋詩存卷上

長白昇 寅賓旭

代吃草

自序

謹按各草原稿均有詩一二百首
自加刪訂僅存十之二三

余少年困於學亦困於境嘗假吟咏以自遣然於
唐宋諸大家詩集初未有得故所作多鄙穉可刪
而不忍盡刪者欲存此舊跡以自鑑並以示後來
子弟余年三十始仕未仕以前抱子雲之疾語言
不甚了了近四十始瘥此卷皆三十以前作不足

言詩故以代吃名草

夏日閒居

赤日正炎炎黑雲頃刻普天半
數聲雷夕陽照殘雨
雲散天逾靜身閒日更長
微風破岑寂頻送好花香

恕字吟

名言箴在昔恕字行終身已所不欲者亦勿施於人
試觀里巷間諍語必反唇狠戾交逞勇所傷兩必均
善觸有羝羊苦鬥有奔鶡况人靈萬物誰讓我獨伸

泰山收一簣萬古享明禋
河海不擇流觀者嘆迷津
人生能自克斯結聖賢鄰

寄孫淡農

不久相依日因思未別前有杯常共酌得句卽同聯
臭味芝蘭美箴規藥石賢品真端白璧技自選青錢
名字題金榜笙簧奏玉筵飄蓬傷我獨折桂喜君先
黃葉歸鄉路西風送客天家山從北望古驛向東還
野店殘陽酒荒橋落月羈登堂乏長物入座有陳編

把袂知何日遙情似隔年關河千里雪迢遞一紅箋

萬泉口占

萬派泉邊獨自遊水風初夏冷如秋綠陰環岸皆成

抱不見當年得月樓

舊有得月樓
今廢久矣

大石橋阻雨

三十里程三日雨纔出里門卽途阻脫驂掀出泥中
車抱火炙乾衣內絮羣然跼蹐宿茅簷不問販夫及
傭豎無聊一日只三餐凌晨又怕商羊舞薄暮橋邊

散步遊綠波兩岸苔生浦閒花無主草無心惟見行
歌有漁父歸來半杯且自酌回望城中隔煙樹功名
自古壯夫爲曠懷忘卻登途苦

姜女祠

山海關外

突兀北山凌碧落蒼茫南海連天腳海山中擁姜女
祠淚眼啼妝塑約略山光海影日悠悠苦雨淒風幾
度秋剩有天邊秦塞月夜深來照舊山頭

有感

山徑崎嶇險若彼前者折股後顛趾誰識周道本如
砥千古惟讓君子履陳平俎上分甘旨茅容樹下嚴
跛踦風塵之中識賢士後車同載今已矣不願鄉里
婦孺美不受古昔賢哲訾吁嗟乎長途惟有耽書耳
天涯落落誰知己

晚至通州河爭渡者積岸候至三更方渡

夕陽看渡口士女競登舟幾處船歸岸長空月入流
銀濤千片捲金鏡一輪秋犬吠孤村遠行人可暫投

至大凌河欲雪

省識天公試雪威更深猶自滯征騂三秋河水翻鯨
浪九月寒花點客衣朔氣驚人裘不暖狂風吼地石
皆飛衡門指日驅車至好咏新詩擬謝闡

關外道中口占

秋草望萋萋。秋雲護遠谿。峰高得月早。海濶識天低。
濁酒村中醉。新詩壁上題。最憐歸夢好。促起是鳴雞。

松山遇梓亭舅父呈句

恩誼由來屬父師相逢不敢說相思一肩行李江原

路兩袖清風博邑詩

初任博白再任大邑俱有循聲

不爲世情分所

學難言天道必無知

年已七旬尚無嗣

半杯松葉書千卷名

教完人允在茲

四月十三日夢雪中嚼花晨起情景宛然歌以

誌之

仙雲盈尺銀光寒蕭蕭窮巷棲袁安忽聞香風雪中
起奇花幾樹楓林丹腳踏仙雲折兩枝枝枝馥郁清

詩脾手拈花枝細咀嚼嚼時味壓三山芝折花天風
吹我手嚼花天香盈我口東郭先生不久貧換骨何
事飲天酒

生日偶吟

杯盤談笑盡知音念及承歡感自深三載異鄉生我
日一時千里憶親心熊丸苦志酬無地烏哺私情負
至今回里莫將離緒告思兒白髮早相侵

春夜雨